

AEK. Entzutegi Nazionalak hasitako prozesua dela eta, «kezka eta ezinegona» azaldu dute sinatzaileek



AMAIA ZABALO

Kike Amonarrizek irakurri zuen euskaraz AEKren aldeko manifestua, atzo, Donostiako Kursaalean egindako ekitaldian.

«AEK ezinbesteko du euskarak»

Garzonek hasitako prozesu «bidegabearen» inguruan atxikimendua adierazteko agiria izenpetu dute pertsonalitate ugari

Garbiñe Olaizola | DONOSTIA

Euskal Herriko euskara eta kultura arloetako hainbat pertsona ezagunek AEKri atxikimendua adierazi zioten atzo, Entzutegi Nazionalako epaile Baltasar Garzonek abiatutako prozesu

judiziala dela eta. Donostiako Kursaalean egindako ekitaldian, AEKren alde guztiek sinatutako manifestua irakurri zuten.

Han izan ziren, besteak beste, Xabier Mendiguren Kontseiluko presidentea, Juan Mari La-

rrarte EGUNKARIAko ordezkaria, Rafa Diez LABeko idazkari nagusia, Laura Gonzalez de Txabarri ELAko ordezkaria, Maite Aristegi EHNEkoa, Ramon Labaien Donostiako alkate ohia, Iñaki Perurena harrijasotzailea, Harkaitz Cano eta Joxe Agustin Arrieta idazleak, Jabier Muguruza, Mikel Urdangarin eta Bixente Martinez musikariak, Pello Zubiria Argia-ko zuzendaria, Iñaki Irazabalbeitia Elhuyar-eko zuzendaria, Fito Rodriguez EHUKo irakaslea, Xabier Isasi

UEUKo lehendakaria, Kike Amonarriz umorista, Imanol Lazkano Euskal Herriko Bertsozaleen Elkartearen lehendakaria eta Maialen Lujanbio bertsolaria.

Euskara berreskuratu

Kike Amonarrizek irakurri zuen agiria euskaraz, eta Laura Gonzalez de Txabarrik, gaztelaniaz. Sinatzaileek «kezka eta ezinegona» adierazi zuten «AEKren kontrako prozesu luze eta bidegabe honetan» Entzutegi Nazionalak hartutako neurriak direla eta. Agiriaren sinatzaileen ustez, «bidegabekieretara ohi-tzea izango litzateke erasoaldi honen arrakastarik behinena», eta beharrezkotzat jo zuten «argi eta ozen adieraztea euskal gizarteak euskara berreskuratu nahi duela eta zeregin horretan diharduten elkarten lana onetsi, txalotu eta bultzatu egiten duela».

Agiriak dioenez, AEKren lana «ezinbestekoa du euskarak». «Azken 35 urteotan AEK beti izan dugu ondoan. Beti xede bakarrak gidaturik: euskara eta euskal kultura hedatzea».

Euskarak «bere historia luzean oztupo asko gainditu» behar izan dituela gogorarazi zuten, eta gaur egungoa «gezurrean eta setakerian oinarritutako beste erasoaldi bat» dela esan zuten, «azken 35 urteetan egin-

ATXIKIMENDUAK

Euskararen arloko eta kulturako jende ezaguna

Euskara, kultura eta kirol arloetako jende ezaguna dago manifestua sinatu dutenen artean: besteak beste, Roberto Martinez *Tiko*, Jose Anjel Iribar eta Jon Larrea Athleticeko ordezkariak; Edurne Pasaban mendizalea; Benito Lertxundi, Fermin Muguruza eta Mikel Laboa musikariak, eta Hemen-dik At eta Skalariak musika taldeak. Idazleen artean Koldo Izagirre, Pablo Sastre, Joan Mari Irigoien, Kirmen Uribe eta Arantxa Iturbe daude, eta bertsolarien artean, Andoni Egaña eta Sebastian Lizaso.

Hauek ere bat egin dute: Anjel Alkain eta Ramon Agirre aktoreek, Eneko Olasagasti zinemagileak, Iñaki Sors eta Jon Jaka Elkarlanean-eko ordezkariak, Jose Mari Karrere ipuin kontalaria, Julio Ibarra ETBko kazetariak, Koldo Tapia Bertsozaleen Elkartearen kideak, Mikel Bujanda Euskal Herria Irratiko presidentea, Rikardo Ederra Sortzen-eko lehendakariak, Roldan Jimeno historialariak eta Pedro Mariñelarena Nafarroako Ikastolen Elkartearen lehendakariak.

EGUNKARIAREN ordezkari gisa, Martxelo Otamendi zuzendaria eta Iñaki Uria kontseilari ordezkaria daude. Andolin Eguskitza Euskal Herriko Idazleen Elkartearen presidentea eta euskaltzainak eta Andres Urrutia eta Xabier Kintana euskaltzainak ere atxikimendua azaldu dute.

AGIRIA

«Gezurrean oinarritutako beste erasoaldi bat da, eta azken 35 urteetan egindakoa birrindu gura du»

dakoa birrindu gura duen jazarpena». «Euskara ikasteko eskubidea eta gure hizkuntza landu eta erabiltzeko aukera zapuztu nahi digute; eta horren aurreko erantzunik onena galarazi nahi duten hori indartu eta bultzatzea da», azaldu zuten. «Esker ona» adierazi zioten AEKri eta «lanean jarrai dezatela» eskatu zuten: «Oraindik lan handia geratzen zaigu egiteko, eta zuek bezalako langile fin eta saiatuak behar-beharrezkoak zaizkigu».



17. TXANDAN SARTZEKO OPOSIZIOAK

Ertzaintzaren 17. Txandan sartzeko oposizioko lehenengo proba ekainaren 30ean izango da. Aldi berean, proba hori ondorengo hiru probek osatzen dute: Ezagutza proba, proba psikoteknikoa eta nortasun testa. Lehenengo saio hori Euskal Herriko Polizia Ikastegiko instalazioetan burutuko da; Arkauten, goizeko 9:00etatik aurrera. Izangaiek NAN ekarri beharko dute.

EHAAn argitaratzeko eguna: 2001eko ekainaren 15.
Informaziorako telefonoa: 954 - 194 282.
Jendaurrerako ordutegia: 08,00etatik 14,30era.

PRUEBAS DE ACCESO PARA LA 17ª PROMOCION

El próximo 30 de junio tendrá lugar el primer ejercicio de la oposición de acceso a la 17ª Promoción de la Ertzaintza. El mismo consta de tres partes: prueba de conocimientos, pruebas psicotécnicas y test de personalidad. El ejercicio comenzará a las 09:00 h. en las instalaciones de la Academia de Policía del País Vasco, en Arkaute. Los aspirantes deberán acudir provistos de su D.N.I.

Fecha de publicación en B.O.P.V.: 15 de junio de 2001
Teléfono de información: 945 -194 282
Horario atención al público: de 08,00 h. a 14,30h.